

**Komara Îslamî berev  
daşikanê**

»»» R:3



*Bidestveanîna mafên netewî yên gelê kurd  
di çarçoveya Îraneke demokratîk û federal de*

# Aqirî

*Duheftînameyek Siyasî-Gîştî Ye, PDK Îranê diweşîne www.kurdistanmedia.com/kurdî  
www.agirimedia.org Hejmar (309) 06-09-2017 Buha (1000) Tûmen*

## Bajar îradeya xwe selimand

# Em hemû kolber in



Piştî vê ku roja 13`ê Xermana 1396` an (4`ê Îlonê) du kolberên kurd xelkê bajarê Banê, bi navên Heyder Ferecî temen 21 salî xelkê gundê “Şeşe”, û Qadir Behramî temen 45 salî xelkê gundê “Vizmelle” ketin ber destrêja gulleyên hêzên leşkerî yên rejîma Îranê, xelkê bajarê Banê li Rojhilata Kurdistanê li dijî vê kiryara hovane ya rejîma Îranê, serî hildan.

Malbatên her du kolberên Kurd yên ku hatine kuştin, fermandarê bajarê Banê wekî sebebkarê serekî yê vê bûyerê dizanin, û dibêjin ku teqekirin li wan kolberan li ser bîrbara Mihemed Felahî fermandarê bajarê Banê bûye. Li ser vê bingehe bû, ku roja borî xelkê cesûr ê Banê bi dar û kevîran êrîşî ser femandariya bajarê Banê kirin, û pêpikên rejîmê di vî bajarî de lerizandin. Rejîmê jî di hember de hawara xwe bire

»»» Dom R:2



## Deftera Siyasî a PDKÎ daxuyaniyek derheq bûyerên bajarê Banê de be- lav kir

**D**erheqê şer û pevçûnên bajarê Banê, Deftera Siyasî a Partiya Demokrat a Kurdistanê Îranê, daxuyaniyek belav kiriye, ku di vê daxuyaniyê de, tevî bilindnirxandina helwêsta cesûrane a xelkê bajarê Banê û derdora wê, dawxaza hevhelwêstiya civatên xelkê Kurdistanê hatiye kirin.

Deqa daxuyaniyê bi vî awayî ye:

Serkut û kuştina sistematîk û bi bernamê ya kasibkarên gund û bajarên ser sînor yên Kurdistanê, ji aliyê komara Îslamî a Îranê ve, di heyama çend salên derbazbûyî de, beşeke veneqetiyayî bûye ji siyasetên wê rejîmê, ku roj bi rojê berfirehtir dibe, û canê hemwelatîyên zehmetkêş û kasibkaran dike armanc.

Tenê di heyama kêmtir ji salekê de, dehan kasibkar bûne qurbaniyê siyasetên serkutkerane, û herwiha hejarhêştina hemwelatîyên Kurdistanê ji aliyê komara Îslamî a Îranê ve. Di doma rewşa kuştin û êrîşkirina bo ser kasibkarên deverên sînorî yên Kurdistanê, û di rêkevta 4`ê Îlona 2017`an de, du kasibkar bi navên “Qadir Behramî” temen 45 salî xelkê gundê “Vizmelle” û “Heyder Ferecî” temen 21 salî xelkê gundê “Şeşe” a ser bi bajarê Banê jiyana wan jê hate standin.

»»» R:2

**Dr. Xelîqî:**

**Armanca Îranê, mijûlkirina  
Kurd û Şî`e ye bi şerê DAÎŞ`ê**

»»» R:8



**Bajar  
serî rakir**

»»» R:2



**Jînenîgariya Nadir Nadirov  
serokê Rûmetê yê Yekîtiya  
Kurdên Sovyêtê**

»»» R:10





## Sergotar

### Bajar serî rakir

**N: Kerîm Perwîzî**

Roja 14`ê Xermanana sala 1396`an, roja eşkerekirina kerb û bêzariya xelkê mafxwaz ê Banê li dijî stem û bêdadiyê û sivikatiya sîstematîk li hemberî Kurd ji aliyê rejîma Tehranê ve bû. Roja pêştir di dema şefeqeke rohn û bi berçavê rojê, hêza çekmepoş a pasdarên rejîma Îranê teqe li kolberan kirin, ew kolberên ku bar hilnegirtibûn, û bi destên betal, û bêhêvî ji birina pariyeke nan bo ser sivka (sifreya) zarokên xwe, vedigeriyane mal. Du kolber hatin kuştin û pasdarên terorîst xwîn birin ser sifreya zarokên van kolberan.

Eva yekem sivikatî û stem nebû, û mixabin ya dawiyê jî nabe, lê stemkarî ew qas rohn û zelal e, ku xwîna xelkê keland, û di kiryareke medenî û aştxwazane de, bajar daxistin, û çûne pêşberî fermandariyê, da ku daxwaza dadperweriyê bikin.

Lê her cure kiryareke mafxwazane, ji aliyê rejîma Îranê ve, wekî gefek li ser ewlehiya wê ya lertzok tê dîtin, lewra dubare bi gulleyan bersiva xelkê da. Heya niha bas ji kuştin û birîndarbûna nêzî 20 kesî ji xelkê Banê tê kirin, û hejmara destbiserkiriyan jî rohn û zelal nine.

Ew helwesta bajarê Bane bi hinek deskarî û bi hinek anîn û birina vir û wir de, em dikarin wekî riha zal bi ser bajarên Kurdistanê de bidin nasandin. Bi vê watayê ku rewşa civakî û siyasî û aborî û rewşa derûnî ya Kurdistaniyan bi giştî di asteke weha de ye.

Ji vir ve bi awayekî giştî em dibêjin, bajar avis e bi eşkerekirina bêzariyê di hemberî hemû kiryarên rejîmê de, û dixwaze ku vîn û îradeya xwe bise-limîne. Bajar nasekine, û ketiye nava liv û tevgerê de, û ser teqînê ye, ew jî ji xwe re nine, belkû derbazbûyek ji xebata xwe û xortên xwe û bi sedan sivikatiyên stemkaran ceribandîye, û niha êdî bajar dixwaze li çarçoveya Rasanê de rabe ser xwe.

Di vir de du tişt girîng in:

### »»»» Doma daxuyaniya Deftera Siyasî

Li hember vê tawana rejîma Îslamî, xelkê bihelwêst û bêzarbûyî yên bajarê Banê û derdorê, ku pêştir jî berbirûyê zilm û zordarî û serkutê ji aliyê hêzên rejîmê ve bûne, dijayetiya xwe anîn ziman, û di roja derbazbûyî de û îro jî (4 û 5`ê Îlonê) nerazîbûnên giştî rê xistin, û di civîneke berfireh de, û bi helwêsteke netirsane, êrîştî ser navenda deshilata rejîmê, li bajarê Banê de kirin, û binkeya fermandariyê kirin armanc, û ji aliyekî din ve bi daxistina dukan û bazaran nerazîbûna xwe li hember vê bûyera dilgiran anîne ziman.

### »»»» Doma nûçeya manşête

ber tundûtîjîyê û teqekirina li xelkê medenî, ku di encamê de, çendîn kes birîndar bûn. Xelkê nerazî di vî bajarî de, trombêleke fermandariyê şewitandin, û hejmarek ji xelkê nerazî jî çûne nava avahiya fermandariyê de.

Di encamê de ji bilî birîndarkirina çendîn kesan ji aliyê hêzên rejîmê ve, çendîn kes jî hatin destbiserkirin. Rejîmê hêzeke zaf li dijî xelkê medenî anîbû nava bajar û derdorê, û hilîkopter jî li ser esmanê vî bajarî çavdêriya rewşê dikir.

PDKÎ bi weşandina daxuyaniyekê piştgiriya xwe ji xelkê Banê ragehand, ku di beşeke vê daxuyaniyê de hatibû: “Em tevî şermezarkirina kiryara dijîgelîyane ya rejîmê di Kurdistanê de, li hember kasibkarên Kurd, em vê hereketa azayane ya îro û duh a xelkê bihelwêst yê bajarê Banê û derdorê bilind dinirxînin, û daxwaz ji hemû tex û çînên civaka Kurdistanê

Hewceyî basê ye ku, şer û pevçûn di navbera hêzên serkutker yên rejîmê û komên hemwelatîyên bajarê Bane heta dema amadekirina vê ragehandinê jî, her berdewam e, û herwiha li gora zanyariyan rejîmê hêzekî zef ji bajarên derdorê ve ber bi wî bajarî şandine, û hikûmet nizamiyeke tewaw (rewşa awarte) li ser bajar de zal e, û hejmarek ji xwenîşanderan hatine binçavkirin.

Em tevî şermezarkirina kiryara dijîgelîyane ya rejîmê di Kurdistanê de, li hember kasibkarên Kurd, û ev hereketa azayane ya îro û duh a xelkê bihelwêst yê bajarê Banê û derdorê bilind radigirin, û daxwaz ji hemû

tex û çînên civaka Kurdistanê dikin, ku yekrêz û yekhelwêst bin, û dengê xwe bixine kêlega hereketên wiha de, û bi hevxebatî û yekîtiyeke bihêz ve, berbirûyê siyasîyên serkutkerane ên rejîmê bibin.

Di dawiyê de, piştewaniya xwe ji bo vê hereketa bivêrane û şoreşgerane a xelkê bajarê Banê û yên derdorê radigehînin, hereketek ku wekî remz û nîşana girêdana xebata çiya û bajar tê hesibandin.

**Partiya Demokrata Kurdsitana Îranê**  
**Deftera Siyasî**  
**5`ê Îlona 2017`an**

dikin, ku yekrêz û yekhelwêst bin, û dengê xwe bixine kêlega hereketên wiha de, û bi hevxebatî û yekîtiyeke bihêz ve, berbirûyê siyasîyên serkutkerane ên rejîmê bibin. Di dawiyê de, piştewaniya xwe ji bo vê hereketa bivêrane û şoreşgerane a xelkê bajarê Banê û yên derdorê radigehînin, hereketek ku wekî remz û nîşana girêdana xebata çiya û bajar tê hesibandin“.

Ji aliyekî din ve RMMK`ê jî bi weşandina daxuyaniyekê ragehand ku serederiya hêzên rejîmê digel hevvelatîyên Bane, bînpêkirina mafê mirovan û kiryareke nemirovane û neberpirsane ye.

Di hemberî vê nerazîbûna xelkê Banê, nûnerê henga sînorî ragehandiye ku hebûna hizbên Kurdî ên dijberî Îranê li ser sînoran, bûye sedema vê ku hêzên leşkerî xelkê bidin ber gulleyan. Ew hêcetaniya wî nûnerî di demekê de ye, ku eva yekem car nine ku kolber bibin armanca gulleyên rast terast ên hêzên rejîmê, û ew hêcetaniyên

jî tenê bona xapandina xelkê ji aliyekî û tawanbarnîşandana PDKÎ û hêzên din ji aliyekî din ve ye.

Kuştina berfireh a kolberan di halekî de ye ku, di demên derbazbûyî de jî, cêhگیرê siyasî û ewlehî û civakî yê parêzgeha Sine ragehandibû ku: “Bi eşkereyî dikarim bêjim ku di dema hatine ser kar a dewleta “tedbîr” û “omîd” heta niha, tenê yek kolber jî li ser sînorên Kurdistanê nehatine kuştin, yan jî birîndarkirin.

Heta niha tu kesayetiyekekî hiquqî û heqîqî, derheqê teqekirina rasterast a li kolber yan jî kasibkarên li ser sînorên Kurdistanê, lêpirsîn jê nehatîye kirin, û dosiyeya dadwerî (qezayî) ya kesên birîndar yan jî kesên ku jiyana xwe ji dest dane, bi maneya “parastina sînoran”, negihîştîye encameke rohn û zelal. Mam Qadir Behramî xêzandar û xadiyê 4 zarokan bû. Ev du kolberên Kurd li nêzî gundê Hengejale a ser sînorê bajarê Banê, ketne ber destrêja gulleyên hêzên rejîma Îranê.


Yekem, bajar radibe, û bo rabûn û serkevtinê jî, dibe rêkxerî û rênimayî bo diyarîkirina riya gihîştina bi peravê azadiyê hebe, û bajar daxwaz dike ku rêkxirawên siyasî û xebatkar rênîşander bin. Di vê veguhastina qonaxa ber bi rabûnê de, hekî rêkxiraw di asta çavnihêriya bajar de nebin, bajar li benda wan namîne, yan wê riya xwe bibîne, û rêberên xwe berhem bîne, yan jî ew rabûn wê bê jirêderxistin. Ew yek hişdariyeke bo hemû xebatkarên rasteqîne.

Duyem, bajar bi hemû awayekî aştxwazane daxwaz û mafên xwe aniye ber bas, û heya daxwaza kolberî û mandîbûnê jî bi gulle bersivandiye. Rejîma Komara Îslamî her cure kiryarekê di Kurdistanê de siyasî dibîne, ewlehiya lertzok ya rejîmê jî bi van kiryanan tê selimandin.

Jiber ku rejîmeke cihgirtî hemû hûrdekariyên jiyanê jî nake siyasî, lê dema ku nanê kolberiyê jî dibe siyasî, û Spaha Pasdaran ji tirsê Kurdistanê teqê li wan dike, diyar e ku ew rejîma heya çî qasî lertzok e.

Gulleyên rejîmê ku di hemû dem û kiryar û bûyerekê de, deng jê tê, û xelkê dipêke, êdî ji aliyê xelkê ve nahê tab û tehemulkirin, û rojekê bajar wê bigihîje vê biryarê ku êdî dibe dest bo çekê bibe, û di nava dilê bajar de, koşka lertzok ya Cemarane bike armanc.

## Komara Îslamî berev daşikanê



Mistefa Hicrî

Siyaseta Komara Îslamî her ji dest-pêka avabûnê ve şandina şoreşê bo derve bûye, ku ew jî tê wateya zêdexwaziyê, û di hemû vîdeyên de vîdeyên kar kiriyê bo pêşvebirina vîdeyên siyasetê, û di gellek biyavan de jî serkevtî bûye, û ew serkevtin jî hemû li ber vîdeyên nebûye ku avaker û birêveberên wê kesên gellek şareza û hilkevtî û bêhempa bûne, belkî gellek zêdetir li ber hinek valahiyan, di van navçeyan û mifahwergirtina ji wan betaliyan bo berjewendiya xwe bûye. Rûxandina hikûmeta Taliban di Efxanistanê jî aliyê Amerîkayê ve, rûxana hikûmeta Be'is li Bexdayê wekî du dijminên bihêz ên Îranê di navçeyê de, û xwedûrkirina Eebistanê jî destêw-erdana di Îraqê de, û bicihhêlana wê bo Îranê, piştî êrîşa Sedam bo ser Kowêytê, û lawaziya hikûmeta naven-dî ya Sûriyê, û meydandariya wan di şerê li Sûriyê û Îraqê, û pêkhatina van valahiyan bû ku ew derfet bo rejîmê pêk anîn, ku bixwe hewlek bo pêkanî-na van derfetan dabe, û ji hemiyan girîngtir siyaseta derve ya Amerîkayê di dema serokatîya Obama bi taybetî di heyama çar salên dewra duyem de, bi pêşgirtina siyaseta sazana digel rejîmê, û gihandina encamê ya gotûbê-ja ya welatên 5+1 bi vîdeyên hevîyê ku ew siyaset dibe sedema guherîna siyaseta rejîmê, û Îranê jî vîdeyên gellek mifah wergirt, û deshilat û nîfûza xwe di vîdeyên navçeyê de zêde kir.

Lê di şerê mehên dawiyê de, û piştî ku "Trump" hate ser kar, guherîneke kûr di siyaseta Amerîka û welatên navçeyê de li dijî berjewendî û pêşrewiyên Komara Îslamî pêk hat, ku bû sedema aloizbûna xewnên rejîmê.

### Ew guherînên kûr çi ne?

Yekem: Guherîn di siyaseta Amerîkayê ên niha de, pêk tê di guherîna siyaseta rejîmê li serdema

Obama, berev guherîna rejîmê li serdema "Trump" de. Herçend dariştina siyaseta Amerîkayê derheq bi Îranê biryar e di dawiya vîdeyên sala zayînî de tewaw be, lê ji niha ve em dikarin bêjin ku siyaseta nû li ser guherîna rejîmê yan aliyê kêr, li ser daketina rejîmê jî serberedayiyên xwe di navçê û çavdêrkirina tund dadirêje.

Niha Bercam (1) astengek e li ser riya zextxistina zêdetir ya Amerîkayê li dijî Îranê, ji ber ku heya niha Ajansa Etomî ragehandiye ku Îran, bi rêkevtinê pêbend bûye, Amerîka di vîdeyên rewşê de, naxwaze ku ji aliyê xwe ve became hîloşîne, li ber alîkariyên Ewropî, lewra dixwazin ku Îran li jêr zexta zor de, bixwe rêkevtinê hilweşîne. Bo vîdeyên mebestê zexta li ser Îranê roj bi roj zêdetir dibe, û Bab Kurkir serokê Komîteya Pêwendiyên Derve a SINA'yê dibêje ku: "Hekî em rêkevtina etomî bi tundî jî bi rê ve bibin, û ji Îranê jî me ew yek bivê, renga Îran li jêr vîdeyên zextê de, pêbend nebe bi rêkevtinê, wê demê ew in (Îran e) ku rêkevtin têk daye. Komara Îslamî jî bi domandina siyasetên xwe ên şaş rewşeke baş bo zextranîna Amerîkayê pêk anî, ku zextê bixe ser Îranê.

Spaha Pasdaran roja 18'ê Hezîrana 2017 çendîn mûşek avêtin. Dêrel-zorê li Sûriyê, û roja 4'ê Tîrmehê mûşekeke balistîk taqî kir, û 29'ê Tîrmehê jî, mûşekêk sîmox avête valahiya esman. Piştî van mûşek avêtinan, Amerîka ne tenê her komeke gemaroyan xiste ser Îranê, ku ya herî girîng xistina Spaha Pasdaran e bo nav rîzbenda terorê de, belkî niha daxwazê dikin ku dibe hinek ji naven-dên Îranê lêgerînê tê de pêk bînin, ku di nava wan de, çek û mûşekên Îranê hene, rejîmê ew daxwaz bi tundî ret kiriyê. Kurkir dibêje: Hekî Îran îzna lêgerîna van navendan nede, wê demê mecala hewce pêk tê.

Niha hejmareke berçav ji deshilat-darên dewleta "Trump" jî wan kesan pêk tînin, ku bi awayekî cidî daxwazkarê guherîna rejîma Îranê ne, û her du hizbên Komarîxwaz û Demokrat jî di kongireyê de bona zextxistina ser rejîmê û paşekêşkirina bi rejîmê hevboçûn in.

### Duyem: Astengî û guherînkariyên pêşberî rejîma Îranê di navçeyê de

Komara Îslamî têçûyeke zaf da, da ku bikare hîlala Şî'e ku pêk tê ji zeliqa-



ndina Tehranê bi behra Medîterane ji riya Bexda, Dîmeşq û Beyrûtê ve, tewaw bike, lê Amerîkayê bi lihevkerina digel Rûsiyê, ew pîlana rejîmê pûç kir, di vîdeyên sazane de, ew du mezinhez jî başûr û başûra rojavaya Sûriyê, navçeya aram û bê şer pêk anîn, ku Amerîka îdare dike. Lavrov di gotûbêjekê de, bas ji pêkanîna du navçeyên din ên bi vî rengî kir, ku di vîdeyên sazane de rejîma Îranê piştguh ve avêtin. Îranê pêştir dixwast ku di vîdeyên navçeyê de, cihgir be, û ew cih bi başûra Lubnanê ve girê bide, û metir-siyeke din li ser Îsraîlê pêk bîne.

Ji wê demê ve ku "Trump" hatiye ser kar, berevajiyê dewleta Obama bi dehan binkeyên leşkerî û çar firokex-ane li Sûriyê ava kirine. Sînorê Îraq û Sûriyê xistiye bin çavdêriya xwe de, û kontrola vîdeyên sînorê astenga herî mezin bo hîlala Şî'eya Îranê pêk tîne, û roj bi rojê zêdetir fişarê bo Îranê tîne ku wê ji Sûriyê derxînin. Hinek ji çavdêrên siyasî ser vîdeyên bawer-iyê ne ku li egera şerê Îran û Amerîkayê ew şer ji Sûriyê ve dest pê dike.

Hekî di destpêka şerê Sûriyê û di encamê de jî, nemana deshilata navendî ya Sûriyê bi ser piraniya beşên axa Sûriyê, valahiyeke mezin ya deshilatê di vîdeyên welatî de pêk hat, û Komara Îslamî bû girîngtirîn deshilat li wir de, û bi dilê xwe, li wir reftar dikir, lê bi hatina Rûsiyê û piştî jî Amerîka û piştî jî bi hîlbijartina "Trump" wekî serkom-ar, rejîma Komara Îslamî ya Îranê roj bi rojê zêdetir hate piştguhixistin. Niha ew welatên di Sûriyê de, biryarder in, li gora girîngiyê pêk tînin ji Rûsiyê, Amerîka, Îsraîl û Tîrkiye. Di nava van welatan de, xeynî Rûsiyê her sê welatên din li dijî hejmonî û deshilata Îranê ne, û Îsraîl û Amerîkayê çendîn

carî bi awayekî eşkere ragehandine ku Îran dibe li Sûriyê here derve, û guman tê de nine ku Rûsiyê jî bo parastina berjewendiya xwe di Sûriyê de, û nêzîkbûna bi Amerîka û Îsraîl û Tîrkiye, hertim amade ye ku dev ji Îranê berde, û bi taybetî opozisyona Beşar Esed û Erebianê ku bi tundî li dijî Îranê ne. Bi vîdeyên pêkê, Îran di Sûriyê de dikeve qeraxê, û nîşaneyên wê piştguhixistin û daşikandinê her niha xûya dibe.

### Li Îraqê

Piştî paşekêşeya hêzên Amerîkayê ji Îraqê heya heyamekê berî niha ew welat zêdetir meydana cilîdanê ya Îranê bûye, bi taybetî piştî dagîrkirina beşek ji Îraqê bi ji aliyê DAÎŞ'ê ku Komara Îslamî bi hêceta şer li dijî DAÎŞ'ê roj bi rojê pêgeha xwe qahîmtir kir.

Erebianê piştî êrîşa Sedam Husên li ser Koweytê 27 sal bû ku ew welat bi cih hêlabû, û niha Erebian gellek bi cidî vejeriyaye Îraqê, ku ew karê Si'ûdiyan digel pêşwazîya germ ya Sunniyan û heya wan Şî'eyên ku nas-nameya Erebi ya xwe pêş Şî'ebûnê dadinên û ji deshilata Îranê li Îraqê de nerazî bûn, berbirû bû. Vegeriyana Erebianê bo Îraqê bi sefera Adil El-cobeyr Wezîrê Karê Derve ê Erebianê dest pê kir, û piştî sefera Heyder Îbadî serokwezîrê Îraqê bo Riyazê û hevdîtina bi Melik Sel-man paşayê Erebianê re, û sefera hejmareke din ji karbidestên din ên payebilind ên hikûmetî ên herdu aliyan li pey xwe anî, ku cara dawî sefera Wezîrê Navxwe ê Îraqê bo Erebianê bû, û îmzekirina rêkevtina jihevtegihiştina ewlehî, aborî, bazerganî û çandiniyê di navbera wan du







welatan de lê ket.

Bi taybetî rêkevtina Bexda û Riyazê bo kontrolkirina sînorên xwe, û xebata li dijî terorîzmê, nîşana lihevênêzîkbûna berçav ya Bexda û Erebiştanê bû, niha her du alî mijûl in, rîya esmanî ya di navbera du paytextan vekin, Si'ûdî bi alîkariya Mîsrê niha di hewl de ne, Îraqê vegehrînin bo nav civaka Erebi bi armanca dûrxistina ji Îranê.

Xala din ya cihê baldanê li daşikandina Komara Îslamî di Îraqê de, ji bilî tûreyiya girûpên Sunnî û sekolar ji vegeşandina deshîlata Îranê di raqê de, heya girûpên Şî'e jî, ku zêdetir ji bawerîya ayînî, neteweyî ne, daxwazkar in ku taqmên biyanî welat bi cih bihêlin.

Yek ji wan kesayetiyan xwedînişîf di Îraqê de, Muqteda Sadr e. Navbirî ku çend salek bû ji aliyê Îranê ve piştevanîyeke berçav jê dihate kirin, di van salên dawiyê de, wekî yek ji kesayetiyan herî girîng ên ayînî ên Şî'eyê Îraqî, bi êşkere li dijî destê-erdanên Îranê li Îraqê sekiniye. Sadr di daxuyaniyeke 29 xalî de, ku 20'ê meha Şibata 2017'an wekî rêçareya aştîyê di Îraqê de belav kir, pêşniyara hilweşandina Heşda Şe'ibî kir, ku daxwazkarê derkirina tewahiya hêzên biyanî (heya dostên Îraqê jî-mebest Îran e) bû. Ew gotinên Muqteda Sadr bûne sedema nîgeraniya Komara Îslamî.

Berdevkê Wezareta Karê Derve ê rejîmê, di civîna heftane ya digel rojnamevan li Tehranê hêvî xwest ku gotinên Muqteda bi "şaşî" hatibe wergerandin, yan bi şaşî hatibe belavkirin.

Lê çend rojan piştî van axavtinên Behram Qasimî berdevkê Karê Derve ê Îranê, Sadr di gotûbêjekê de digel "Elşerq El-ewset" dibêje: Di hevdiştina xwe di Cede ya Erebiştanê digel Welîehdê Erebiştanê boçûneke wekhev hebûne, ji vê jî girîngtir Sadr Erebiştana Si'ûdî bi "bavê bihêz" ê neteweya Erebi nav bir, ku "Bona avakirina aştîyê di navçeyê de tekoşînê dike".

#### Di navxwe ya Îraqê de:

Di hemû welatekî de, siyaseta derve ya hikûmetê encama siyaseta navxweyî ye, bi vê watayê ku demekê siyaseta navxwe ya rejîmê siyaseteke seqet ya paşvemayî ye, ku li ser bîngeha Îslama Şî'e ya Wilayeta Feqîhî hatiye darêtin, ew siyaseta ji

bilî teorî di biyavê piratîkê de jî, bi sala ye netebahiyên wê digel cîhana vê serdemê hatiye selimandin, û dakişana wê jî sal bi salê zêdetir derketiye, lê di heyama 5-6 mehên borî de, ew dakişan jî, eşkeretir û bileztir xwe derxistiye:

Di biyavê aborî de jî, bazerganiya cîhanî ya her welatekî xudîka guhertinên aborî ya navxweyî û pêwendiyên aborî digel cîhanê û bi awayekî em dikarin bêjin ku ew yek çawaniya siyaseta wê ya derekî ye.

Piştî qewlên zaf ku digotin piştî bercamê aboriya welat vedigeşe, amara bazerganiya Îranê digel cîhanê di heyama çar mehên vê salê de, van rojan ji aliyê gumrika Îranê ve hatiye belavkirin.

Encama vê amarê bi kurtî vê rastîyê nîşan dide ku şandina kelûpelên (xeyrî neftî) zêdetir ji %9 kêmkirîye, û anîna jor ya kelûpelan jî %23 li çav heman wext di sala borî de, zêde kiriye. Ew pêvajoya bûye sedema vê ku balansa bazerganî ya cîhanî ya Îranê di vê heyamê de, berevajiyê par, nîgatîv be.

Xaleke din ya girîng di vê amarê de, ku cihê balkêşanê ye, ew e ku ew welatên kelûpel şandine Îranê, pêk tên ji Çîn, Îmarata Yekgirtî, Kureya Başûr, Tirkiye û Hindustan û wan welatan jî ku kelûpelên Îranê kirîne, teqrîben her ew welat in.

Ew amar vê yekê nîşan didin, ku şîrîkên bazerganî ên Îranê her welatên Asyayî û navçeyî ne. Sedem jî vedigere bo vê rastîyê ku navendên bazerganî û navneteweyî û welatên Rojavayî bi sedema rîska bilind ya siyasî amade nînin ku di Îranê de sermayeguzariyê bikin, berevajiyê hêvî û xwaziyên Rûhanî di dema îmkazkirina bercame de.

#### Binpêkirina mafê mirovan:

Rêkxirawa Lêborîna Navneteweyî di raporekê de ku roja Çarşemiyê rêkewta 11'ê Gelawêjê belav kiriye, îşare bi vê dike ku di sala 2013'an ya Zayînî de heya niha dezgeha Dad û demûdezhgehên ewlehiyê ên rejîmê serkuta berevankarên mafê mirovan tundtir kiriye.

Herwisa îşare bi vê dike ku tohmata beşek ji mehkûman pêwendîgirtina digel navendên YE û yan NY û rêkxirawên navdewletî ên mafê mirovan bûye. Ew kes bi tawana pêngavhilgirtina li dijî ewlehiya welat tene mehkûmkirin û herwisa ew mehkûmane

parêzerê berevankarên mafê mirovan û nûnerên sendîkayên kedkarî û çalakên mafê jinan û neheştina bidarvekirinê û berevankarên mafê kêmaniyan in.

Ew rapor Hesên Rûhanî û dewleta wî tawanbar dike bi vê ku heya niha hewleke berçav bo berbîrbûna digel van binpêkirinan ku binpêkirina êşkere ya mafê mirovan in, yan aliyê kêmkirina wan nedaye.

Ji bilî van kêşeyên ku me îşare pê kirin, hinek diyardeyên wekî bîkarî, nexweşiyên civakî, tawan û hejarî, herwisa di vegeşînê de ye, ew yek jî, ne tenê çavdêrên bîhanî belkû berbîrsyarên rejîmê ên herî payebilind jî, pêdagiriyê li ser dikin, ku her yek ji wan bixwe hilgîrê bas û mijarên cuda ne. Lê çend diyardeyên ku encama nakamiyên rejîmê û têkşikandina siyaseta derekî û navxweyî ên rejîmê di heyama 5-6 mehên borî de bû, gellek zeqtir bûne, û li ber girîngiya encamên wê di dirêjheyam de, hewce ye ku îşareyeke kurt em pê bikin:

Kêşeya di navbera baskên bîna-joxwaz bi serokatîya Xamineyî ji aliyekî û reformxwaz ji aliyekî din ve, bi şeweyekî berçav geşe kiriye, bi şeweyekê ku di destpêka pêkanîna pêvajoya reformxwaziyê de heya niha bêmînak bûye.

Ew kêşane hekî berdewam bin, kêşeyên rîşeyî û bîrûbawerî ne, û bi tundî kirîzafirîn in, ku li gora asta şikestên siyasî ên rejîmê zêdetir geşe dikin, jiber ku her yek ji baskên rejîmê dixwaze ku şaşîya van têkşikanan û di encam de, rewşa xirap ya rejîmê û jiyana pirr ji bedbextiya xelkê bixwe stûyê aliyê din, û xwe bî tawan nîşan bide.

#### Bila em îşarê bi hindek ji van kêşeyên cudahiyan bikin:

Wê demê ku Hesên Rûhanî bona selmandina dirustiya siyaseta û kiryarên xwe, derheq gotûbêja Îmam Hesên daxive, Xamineyî bersiv da ku ew yek çewtekariya dîrokê û kesayetiya Îmam Hesên e.

-Dema ku derheq aştîya Îmam Hesên qise kir, Xamineyî bersiv da û ew gotin ret kir.

-Hesên Rûhanî di hewla gotûbêja digel Amerîka û bercam a navçeyî û navxweyî ye, di halekê de Xamineyî bi awayê reha (mutleq) Amerîka bi peymanşîkên dizane ku nabe gotûbêj digel de bî kirin, û li dijî bercama

**Dûredî-  
menê pêşeroja  
Îranê, Îraneke  
şikestxwarî ji  
derve, di biyavê  
aborî û siyasî  
de piştguhxiştî,  
di navxwe de,  
berevrû digel  
kêşeyan û neteba-  
hiyên kelekebûyî  
ye**

navçeyî ye jî.

-Rûhanî heya radeyekê zaf, alîgirê gotûbêja digel Rojavayîyan û naven-dên mafê mirov e, Xamineyî dibêje ku eva em in ku alîgirê mafê mirovan in, û Rojavayî ne ku mafê mirovan binpê dikin.

Xamineyî di biyavê ferhengî de, gellek bi tundî li dijî bernamêyên ferhengî ên dewleta Rûhanî ye.

-Di biyavê aborî de, Xamineyî li dijî vekirina Îranê bi rûyê derve û sermayedanîna derekî ye, jiber ku navbirî li ser vî baweriyê ye ku zani-sta aborî, Rojavayî ye, û li ser hinek şert û mercên xeyrî Îslamî hatiye avakirin, lewra ew piştgiriya ji aboriya nezela a Îslamî dike, û navê wê jî daniye aboriya bergirîkarane (iqtisadê Muqawimeti). Ew cudahî û bi dehan cudahiyan din, di navbera wan van du baskan de, di heyama piştî hilbijartina dubare ya Rûhanî û êrîş û pûçkirina boçûnên yektir, qet bi qasî vî heyamê zelal, êrîşkarane (her yek bi awayê xwe) û bi êşkere rû nedaye.

Nêzî mehekê berî niha di nava fermandên asta serve ya Spaha Pasdaran û Rûhanî de, civînek pêk hat, û hinek ji çavdêrên siyasî wisa şîrove dikirin ku ew civîn, civîna aştîyê ye di navbera wan du baskan de, lê her di xutbeya niwêja Înê de, piştî vî hevdiştinê, Ehmed Cenetî



## PDKÎ û PKK li hev civiyan

**Heyeteke KCK`ê serdana Deftera Siyasî ya PDKÎ kir, û ji aliyê PDKÎ ve hate pêşwazîkirin.**

Roja Çarşemiyê 8`ê Xermananê heyeteke Deftera Siyasî ya KCK`ê bi serperestiya Serhet Warty berdevkê PKK û endamê rêberî û berpirsê dîplomasiya PKK`ê serdana Deftera Siyasî a PDKÎ kir û ji aliyê heyeteke hizbê ve bi serperestiya Mihemednezîf Qadirî endamê Deftera Siyasî ya hizbê ve pêşwazî jê hate kirin.

Di civîneke dostane de, Qadirî şiroveyeke siyasî li ser rewşa siyasî û dakişana Komara Îslamî ya Îranê, û rola nîgatîv di navçeyê de, û hewl-

dan bo pêkanîna ajaweyê û herwisa bihêzkirina girûp û aliyên tundrev ên navçeyê bo mebesta taybetî kir.

civîna fermandarê hêzên çekdar ên Komara Îslamî û Tirkîyê û hewla hevbeş ya her du aliyên li ser Kurd tewereke din ya rûniştina di navbera PKK û PDKÎ bû, piştî Serhet Warty tevî piştrastkirina lêkdanewe û lênihêrînên PDKÎ li ser komdengiya zêdetir û bihêzbûna Kurd di her du beşan de, dîtingeha PKK bas kir, û ragehand ku ew metirsiyên ku egera wan heye, nabe em kêmkir.

Hêjayî basê ye ku di vê civînê de, çendîn pirsên pêwendîdar bi her du



aliyan ketin ber bas, û pêdagirî li ser pêwendiya qahîm û dostane ya di navbera PDKÎ û PKK hate kirin. Piştî kongireyeke rojnamevanî ji aliyê Mihemednezîf Qadirî û Serhet Warty ve bo kanalên ragehandinê hate sazîkirin, û li ser derfetan û metirsiyên li pêşberî Kurdên her du beşan axavtin hate kirin, û her du aliyên

## PDKÎ û YNK di bajarê Soranê de, li hev civiyan

**Heyeteke Partiya Demokrat a Kurdistana Îranê, digel berpirsên Malbenda 6 a Yekîtiya Nîştîmanî a Kurdistanê, di bajarê Soranê de civîn pêk anî.**

Spêdeya roja Dûşemî 28`ê Tebaxa 2017`an, heyeteke birêveberên PDKÎ bi serperestiya Mihemednezîf Qadirî endamê Deftera Siyasî a PDKÎ serdana Malbenda 6 a Yekîtiya Nîştîmanî a Kurdistanê, di bajarê Soranê de kir.

Heyeta Partiya Demokrat di vê serdanê de, ji aliyê heyeteke Malbendê bi serperestiya Şaxewan cîgirê malbendê û Luqman Werdî cîgirê malbendê û herwiha bi serperestiya berpirsên komîteya bajarê Çomanê

pêşwazî ji wan hat kirin.

Di destpêkê de, Mihemednezîf Qadirî hevxiyaya PDKÎ digel jiyana ji destdana 2 têkoşerên Yekîtiya Nîştîmanî a Kurdistanê eşkere kir, ku di vê bûyera nexwastî a Gundê Jorê de jiyana xwe ji dest dabûn.

Qadirî herwiha tekez li ser dostîniya navbera hêzên siyasî yên Rojhilat û Başûr kir, bi taybet pêwendiyên demdirêj yên Partiya Demokrat digel xelkê devera Balekayeti û rênedan bi neyarên kurdên her 2 beşan û rênedan bi rejîma Îrsamî a Îranê, ku agirê duberekî û nakokiyê di navbera wan de dirust bike, daku ji ava şêlû masiyan bigre.



Piştî hevalên Malbenda 6 a bajarê Soranê tekez li ser pêwendiyên digel Partiya Demokrat kirin û herwiha hevahengî û alîkarîkirina di navbera hêzên siyasî û zalbûn bi ser pirsîgîrêk û arîşeyan weke erke li ser milên hêzên siyasî da zanî.

Her di vê rojê de, heyeta PDKÎ tevî berpirsên komîteya bajarê Çomanê, di gundê "Aşî Biregiwêz" de, di merasîma sersaxî a wan 2 qurbanîyan de beşdarî kirin, û hevxiyaya PDKÎ ji malbata qurbanîyên vê bûyerê re ragehandin, û herwiha tekez li ser pitirîkirina pêwendiyên dostayeti di navbera her du aliyên kurdên Rojhilat û Başûr de kirin.

→ pêşnimêjê demkî ê Tehranê cardin êrîş kire ser Rûhanî.

Ji bilî valahiya di navbera binajoxwazan û reformxwazên dewletî, heyamek e ku girûpa Ehmedîniyad jî cardin, serî hildaye, û bûye baseke germ di nava baskên cuda û komeleyên navxwe de.

Destbiserkirina Hemîd Beqayî yek ji cihgirên Ehmedîniyad di serdema serkomariya navbirî de, bi tawana gendeliyê û axavtinên tund ên Beqayî li dijî dezgeha Dad piştî azadbûnê, herwisa axavtinên Meşayî li dijî vê dezgehê, êrîşên bêmînak in ku di navxwe ya welatê de li dijî dezgeha Dad kar kirine, ku serokê wê ji aliyê weliyê feqîh ve tê diyarîkirin.

Ehmedîniyad jî her di vê boneyê de, bas ji destpêka serdemeke nû (dewreyeke nû dest pê kiriye) dike û gefa dixwe ku rastiyan wê bêje xelkê. Niha Ehmedîniyad û alîkarên herî nêzîk ên wî di serdema serkomariyê de, her yek bi komek dosiyeyên terorîstî ve, wê lêpîrsin ji wan bihê kirin, lê dengê wan gellek cesûrane ye, û bi bêtirs li dijî dezgeha Dad sekinî ne, niha di vê derheqê de, ew pirsyar heye, ku gelo Dezgeha Dad lêkolînê ji vê dosiyeyê dike, û cezaya hewce bo tawanbaran derdike, yan ji tirsê gefên Ehmedîniyad, wê bêdengiyê lê bikin?

Valahiya di navbera baskên rejîmê de mezin bûne, û mezintir jî dibin, hekî bo heyamekê jî, bi her sedemekê ew baskên rejîmê bêdeng bin jî, lê her wê serî hilde. Bandora van kêşane, û axavtina wan li ser hev bandoreke baş heye:

Yekem- Xelkê Îranê baştir û zêdetir hikûmetekê nas dîkin, ku nêzî 40 salan e hukmê bi ser wan de dike, û bingeha aborî, siyasî û heta exlaqî a vê civakê jî ser û bin kiriye.

Duyem- Ew bersivên şerxwazane moralê dide xelkê, ku ew jî li dijî bînpêkirina mafên xwe rabin ser xwe, bi taybetî bersivên şerxwazane ên serkomar li dijî Weliyê Feqîh.

Dûredîmenê Komara Îslamî a Îranê

Li gora vê lêkdaneweyê, rewşa Îranê li derve û navxwe hekî hevpeymaniya Erebiyanê jî li rex wê danin, dûredîmenê pêşeroja Îranê, Îraneke şikestxwarî jî derve, di biyavê aborî

û siyasî de piştguhîstî, di navxwe berevrû digel kêşeyan û netebahiya kekebûyî ku rojane zêdetir dibe.


Di vê rewşê de, egera serhildana xelkê li dijî rejîmê, bi sedema di-jwarbûna rewşa jiyana wan û nebûna azadiyan, bi pêşdestîkirin û navtêdana aliyê derekî, egereke çavnihêrkirî ye.

\* Ev gotara beşek ji rapora siyasî ya nivîskar bo 17.mîn civîna Komîteya Navendî a PDKÎ ye ku bi hinek destkarî ve tê belavkirin.

1-Bercam (bernameya tewaw ya kiriyara hevbeş) li Îranê bi girêbestekê tê gotin, ku welatên 5+1 derheq pêşîgirtina ji Îranê derheq bi hewlên wê, ji bo ber bi pêşvebirina bernameyên wê ên navikî digel wî welatî îmtiza kirin.



## Yad û bîra şehîdên Mîkonos û cangoriyên dehka 60'î di Alman de wê bilind bê nîrxandin



**R**êûresmek bi boneya rêzgirtina ji yad û bîra şehîdên Mîkonosê û cangoriyên dehka 60'î di Birlînê de wê ji aliyê Navenda Penaberên Siyasî ên Îranê wê bi rê ve here.

Di vê merasimê de Birunu Yost, serdozgerê xanenişin ê Federal derheq aliyên hiqûqî ên dadgeha Mîkonosê wê axavtinekê pêşkêş bike.

Herwisa Şûra Mekarimî ji paşmayiyên cangoriyên dehka 60'î wê derbarê tundûtîjiyên bingeîn û siyasetên înkarkirinê di Îrana îro de wê baxive.

Ew merasim roja Şemiyê 16.09.2017'an di Kargeha Ferhengan de wê bi rê ve here.

Terora Dr. Şerefkendî û hevalên wî li 26'ê Xermanana 1371 (17'ê îlona 1992)'an li Birlîn a Serbajarê

Almaniyayê li halekê de hat encamdayîn ku tenê 3 sal bi ser terora Wiyenê re derbas dibû ku têde Dr. Ebdulrehman Qasimlo, sekreterê wê demê yê Hizba Demokrat û Ebdula Qadirî Azer, nûnerê Hizba Demokrat li derweyî welat tevî

Dr. Fazil Resûl li ser maseya got û bêjê bi destê dîplomat terorîstên Komara Îslamî ve hatin teror kirin û ew dîplomat terorîst jî bi hevkarî ya dewleta Utrîşê bo Îranê hatin şandin û heya niha jî ew dosya vekirî maye.

Berevajî terora Dr. Qasimlo ku terorîstan karîn ji Utrîşê derkevin û radestî edaletê nehên kirin, lê dosyeya Mîkonosê bi awayek din hat şopandin. Di dosyaya terora Mîkonosê de, her 5 terorîst, berî wê ku bikarin ji Almaniya birewin, ji aliyê dezgeha ewlehiya Alman ve hatin destbiser kirin.

Ew dosya piştî 146 ger civîna dadgehê û guhdarîkirina 176 şahidan, bo midehê 5 salan berdewam kir. Dadgeha Mîkonosê serbarê mehkûmkirina encamderên terorê, rayedarên herî payebilind ên



rejîma Îranê jî bi darêjer û fermanderên terora dijberan li derweyî welat de tawanbar kir û ji ber terorîzma dewletî, ji aliyê dadgeha Mîkonosê ve hatin mehkûm kirin.

Dadgeha Bilind ya Alman di 21' Xakelêweya 1376'an de bi awayek fermî navê Ayetula Elî Xamineyî, rêberê rejîmê, Elî Ekber Haşimî Refsencanî, serkomarê wê demê, Elî Ekber Wilayetî, wezîrê derwe yê wê demê û Elî Felahiyan, wezîrê Îtîlaata hingê anî û biryara şopandina van 4 kes kewan, wekî darêjer û fermanderên terora Mîkonosê da.

Terora rêberên Hizba Demokrat, îdamên bi kom, kuştinên rêzokî, terora kesatî, cudabîr, endam û alîgirên partiyên opozîsyonê li derweyî welat û dehan trajîdiyên din, beşekî biçûk in ji karnameya tejî cinayet û terorîzma Komara Îslamî ya Îranê.

## Derhînerê filma “Cinayeta Muqedes”: Vê filmê pêşiya gellek teroran girt

“Cinayeta Muqedes” ji aliyê derhîner Riza Ellamezade ve hatiye amadekirin, ku bas ji terora kesayetiyên siyasî, rexnegir û rewşenbîr ji aliyê hikûmeta Îranê ve dike.

Di dema dadgeha Mîkonosê de, filma “Cinayeta Muqedes” bi zimanên Farsî, Îngilîzî û Hulendî di bernameyên televîzyonî, festîvalên sînemayî û di dadgehan de bona zelalbûna biyavên cur bi cur ên hin dosiyên hatiye nîşandan.

Ew filma belgeyî serbarê belavkirina hinek raporên, hilgîrê belgeyan, hevpeyvîna digel malbatên qurbanîyan û wan kesan e ku ji terore rizgar bûne.

Her derheq vê filmê de, Ajansa Kurdpa hevpeyvînek bi derhînerê vê filmê re pêk anîye, ku navbirî di bersiva vê pirsyara Kurdpayê de, ku gelo bi bawerîya we dadgeha


Mîkonosê karî bibe asteng li pêşberî domandina kiryarên terorîstî ji aliyê rejîma Îranê ve yan na, navbirî dibêje: Bi bawerîya min, belê. Hukmê dadgeha Mîkonosê rê li pêşiya domandina siyasteên terora dewletî ya hikûmeta Îranê di Ewropa de girtiye.

Wî herwisa bas ji vê kiriye ku Hikûmeta Îranê digel beşa filmên belgeyî ên televîzyona Hulendê pêwendî girtin, û hewl da ku wan razî bike, bi belavnekirina vê filmê, lê dema ku nekarî heta bi dana pereyê zaf jî wan razî bike, gefa kuştinê li min xwarin. Lê dîsan jî ew film belav bû, û bandoreke gellek baş li ser, ne tenê bîr û raya giştî ya Ewropayê, belkî li ser bîr û raya giştî ya hemû cihanê hebû, û roleke mezin hebû di warê eşkerekirina pîlanên piştperde yê rejîmê.

Hêjayî basê ye ku kilûpa filmsazên Îranî û Ewropayî jî, piştî 18 salan ku bi ser bûyera Mîkonosê re derbaz bibû, filmeke bibelge çê kiribû, ku derhînerê wê Arman Necm bû, û navê filmê jî “Teror di Berlînê de” bû. Her di vê derheqêde, Ajansa Kurdpa hevpeyvînek digel derhînerê vê filmê jî pêk anîye.

Derhîner di vê hevpeyvînê de dibêje ku ew film hişyarhêlana vîjdana dîrokî ya neteweyekê ye. Ez jî wekî fêlmsazek min hez dikir ku girêdayîbûna exlaqî û civakî ya xwe bi cî bînim.

Arman mecd derhînerê vê filmê, dibêje ku hekî em vê cinayetê bîra xwe bibin, ewê bibe sedema dubarebûna van cinayetên, lewra emê hertim van cinayetên Hikûmeta Îslamiya Îranê bînin bîra xwe, û emê mehkûm bikin.





## Nerîna Lîderan



Mesûd Barzanî: “Em piştevaniyê ji kurdên beşên din yên Kurdistanê dikin”.



Trump: “Kureya Bakur dewleteke serkêş e”.



Yehya El-senwar: “Rejîma Îranê mezintirîn piştevanê gurdanên Izedîn Qesam e”.



Potîn: “ Kureya Bakûr amade ye ku giya bixwe, lê dev ji çeka etomî bernede”.

## Partiya Sosyalîst a Kurdistan bi weşandina daxuyaniyekê kuştina kolberan şermezar kir

**P**iştî vê ku du kolber bi teqeya rasterast ya hêzên çekdar ên rejîma Îranê hatin kuştin, û xelkê Banê jî li dijî vê kiryara hovane ya hêzên rejîma Îranê serî rakirin, gellek hizb û rêkxiraw û navendên parêzerê mafê mirovan piştgirî dane vê hereketa nerazî ya xelkê serhildêr ê Banê. Her di vê derheqê de Partiya Sosyalîst a Kurdistanê jî yek ji wan partiyên Kurdistanê Bakûr e ku daxuyaniyek di vê derheqê de weşandiye.



**Deqa daxuyaniyê weha ye:**

Dengê Xwe Li Diji Zordariya Rejîma Komara Îslamiya Îranê Bilind Bikin Demekê dûr û dirêj e ku hêzên ewlekariyên Îranê li ser tixubûn Başûr û Rojhilat “kolberên” kurd yên ku bi piştî xwe kel û pelan dibine Başûr, û ji Başûrê jî dibine Rojhilat, dike û birîndar dike. Du roj berê ji Pasdarên Îranê du kolberên dinê kuştin, ku xalkê Bane bûn. Ji bona rexnekirina kuştina kolberan, Xalkê Banê li ber femandariya vî bajarî kom bûn, û dengê xwe li dijî kuştina kolberan bilind kirin. Karbidestên rejîma Îslamiya Îranê, şûna ku guhê xwe bidin gel, û daxwaza wan cî be cî bikin, bi tundî êrîşî ser wan dikin. Pasdar û hêzên ewlekariyê yên rejîmê jî êrîş kirine ser gel. Di encama êrîşa hanê bi dehan xwepeşander birîndar bûn, û bi dehan kes jî hatine destbiserkirin. Gelê Bane jî bi daxistina dukan û bazarê, bersiva êrîşa rejîmê dan. Tê gotin, ku li bajar û bajarokên dinê yên Kurdistanê Rojhilat jî, xelk hem piştgiriya xelkê Banê dikin, û him jî li hemberî kustina kolberan derdikevine kolanan, û dikanên xwe digrin. Xepêşandana xelkê Banê berdewamiya xebata gelê me li Kurdistanê Rojhilat e. Em carekî dinê êrîşa Pasdarên rejîma Îslamiya Îranê bo ser gelê sivil mehkûm dikin, û carekî dinê piştgiriya xwe ji xebata gelê Kurdistanê Rojhilat ji bona azadî û demokrasiyê radigihînin. Em banga hêzên welatparêzên Kurdistanê Rojhilat dikin, ku hevkarîya xwe xurttir bikin. Em banga NY, dewletên Rojava û rêxistinên mirovdost dikin, ku derheqê êrîşa rejîma Îranê bêdeng nemînin û piştgiriya gelê Kurdistanê Rojhilat bikin.

**Partiya Sosyalîst A Kurdistan-PSK**

**05'ê Îlon 2017'an**

## Şepêla Pêşeroja Kurdî derheq bûyerên li bajarê Bane de daxuyaniyek weşand

**P**iştî kuştina du kolberan ji aliyê hêzên rejîma Îranê ve li bajarê Banê û serhildana xelkê bane li dijî vê hovîtiya hêzên rejîmê, Şepêla Pêşeroja kurdî bi weşandina daxuyaniyekê piştgirî da xelkê Bane.

**Deqa daxuyaniyê weha ye:**

Şepêla Pêşeroja kurdî siyaseta kuştin û bidarvekirina ciwanên kurd li Rojhilatê Kurdistanê şermezar dike. Hikûmeta Îranê di çarçovê siyasatên xwe yên faşistî li dijî miletê kurd, roja Duşemî 04.09.2017'an, du ciwanên kurd yên kasibkar bi navên Qadir Behramî ji gundê “wezmillê” û Heyder Fercî ji gundê “Şeşe” a ser bi bajarê Bane, di navçeya “Hingejale” ya sînorî de kuştin. Ev kiryara kuştinê ya ji aliyê hêzên rejîma Îranê ve, dikeve çarçovê kiryarên terora dewletî de, ku bû sedema peyda bûna nerazîbûnek berferh li bajarê Bane li Kurdistanê Îranê, ku bi hezaran xelk rabûne ser xwe, û dest bi xwepêşandana kirin, û bazar bi yekcarî hat daxistin. Xwepêşanderan daxwaza ragirtina zincîra kiryarên armanckirin û kuştina sivilan kirin.

Xwepêşanderan dergehê avahiya femandariyê û sercem dikan û cihên bazirganiya bajar daxistin. Lê ew rastî gazên rondikrêj û gulleyên pilastîkî hatin.

Em wek Şepêla Pêşeroja kurdî li Sûriyê bi tundî kiryarên rijîma Îranê ya faşist û kuştina xelkê kurd reswa û şermezar dikin, ku bi dehan ciwanên kurd û nemaze xelkên kasibkar li navçeyên sînorî bi bihaneya qaçaxiyê heya niha hatine kuştin. Hevdem Şepêla Pêşeroja kurdî bangwaziyê li destê û saziyên navdewletî dike bo ragirtina zincîra kuştin û komelkujiyên der-

heq ciwanên kurdan de çê dibin, nemaze kiryarên sêdaradanê yên li dijî çalakvanên kurd, li hember vî siyaseta faşist ya rijîma Îranê de bêdeng nemînin.

Di dawiyê de em hevxiyê xwe ligel miletê kurd li Rojhilatê Kurdistanê radigihînin, û herwiha em daxwaza anîna fişaran li ser rijîma Îranê ji aliyê Netewên Yekgirtî ve dikin, ji bo rûbirûbûna destêwerdana wê ya li tevaya navçeyê, û nemaze di Sûriyê û Kurdistanê Başûr de, û bang li partiyên Kurdistanê û rêxistinên mafên mirov yên kurdî û navdewletî dikin ji bo şermezarkirina siyaseta rijîma Îranê ya faşist û dagîrker ya radibe bi piyadekirina siyaseta qirkirinê û komelkujîya bernamerêjkirî, nemaze di derheq gelê kurd û çalakvan û siyasatmedarên Kurdistanê Rojhilat, bêdeng nemînin.

**Desteya serkirdayetiya Şepêla Pêşeroja kurdî li Sûriyê**  
**04.09.2017**



## Gotûbêjek digel Dr. Xelîqî kesayetiye naskirî ye Kurd û civaknas derheq hinek pirsên girîng ên siyasî di navçeyê de



H: Selîm Zencîrî

**Pirs:** Gelo hûn kêşeya tayifegeriyê di navçeyê de, di çi de dibînin?

**Bersiv:** Çarçoveya qonaxêke civakî di civakeke kêrî çalak de, dereng dereng guhertin bi ser de tê. Di van civakan de, zêdetir hest bi ser ramanê de zal e. Lewra bi hêsanî xelkê wê civakê dikeve bin bandora niyet-nepakan de, û bo encamdana hinek kiryarên cihê heyrîmanê tene tûj kirin. Derbazbûna qonaxên bi vî rengî bi çalakkirina biyavê perwerdehiyê û binke û binyatên civaka medenî pêk tê.

**Pirs:** Gelo vê kêşeyê reh û rîşeyêke dîrokî heye, yan bi serhildana girûpên Îslamî zêdetir bûye?

**Bersiv:** Wekî min got, eva ber û encama rewşa dugm ya çanda eşîretiyê ye, lewra kes û girûpên niyetpak û kole dikarin ji vê rewşê bo gihîştina bi armancên dijî mirovî ên xwe mifahê bistînin.

**Pirs:** Qedera navçeyê serbarê van kêşeyan ber bi kuderê ve diçe?

**Bersiv:** Hekî aliyên xwedîpêwendî û berpirsyar jîrane û hişyarane rêçar-eyêke bicî ji bo vê rewşê nebin, wekî niha tevdanîkar wê bibin tenê lîstikvanê vê qadê. Yê ku daxwazkarê guherînkariyên erênî ye, dibe ku jiyarane û derûnnasane digel de reftarê bike, û karekî bike, ku neyar bi kevirê firtûfêlan û xapandinê dîwarê şûşe hûr-hûr nekin.

**Pirs-Rola Îranê di vegeşîna vê kêşeyê de hûn çawa dibînin?**

**Bersiv:** Diyarê ku Îran li dijî tekoşînê û li dijî berjewendiyên aliyê din, her çi ji desta bê encam dide, eva erk û

wezîfeya şoreşgerê hişyar e ku bi helwest û kiryarên bicî û rewşnasane, gevriya wan pîlanên dijmin wisa bigivişîne, ku bi qazancê xwe mifahê jê bistîne. Dav û tevlik her tim li ser rê hene, lê eva nêçîrê hişyar e ku dibe xwe ji wan derbaz bike.

**Pirs:** Bi baldan bi xwedûrgirtina hindek ji aliyên Şî'e ên Îraqê, wekî Sedr û Hekîm û nêzîkatîya wan ji Erebiştanê, gelo we jêve ye ku guherînkariyên vî welatî ber bi kuderê û çi encamêkê ve diçin?

**Bersiv:** Îran bi bernamê ve mijûl e ku navçeyên Şî'e akincî heta Lubnanê bixe bin bandora xwe de, lewra di hemberî dijberan de, her çi di şîyanê de be dike. Ev jî aliyekî ve, û jî aliyekî din ve, bona têkbirina referandoma Kurdistanê, hewcedarê tevdanîkariyên nû ye, ku Kurd tûj bike, ku dev jê berde, û di heman demê de, bi mijûlkirina Kurd bi vî şerî sînorên xwe, ji şerê DAÎŞ'ê piştî derkirina ji Îraqê biparêze.

**Pirs:** Di vê navberê de, rejîma Îranê çi dikare bike?

**Bersiv:** Wekî min got, Îran bi tîrekê

Wekî min got, Îran bi tîrekê du nîşanan dipêke, ya yekem eva ku Şî'eyên Îraqê stûxwarê xwe bike, ji bo nexşeriya xwe. Ya duyem jî bi vî awayî pêşîya serkeyina doza Kurd bigre

**Pirs:** Di çend rojên borî de, bi handana Îranê, hêzeke çend hezar kesî a DAÎŞ'ê berev sînorên Îraq û Kurdistanê hatine anîn. Gelo hûn di bereberê referandomê û ragehandina serbixweyiyê de, vê yekê çawa dinirxînin?

**Bersiv:** Armanca Îranê, mijûlkirina Kurd û Şî'e ye bi şerê DAÎŞ'ê û herwekî min got, bona gihîştina bi van du armancan e ku min di vir de bas kiri, ku hekî serwest nebin wê bidorînin.



Armanca Îranê,  
mijûlkirina  
Kurd û Şî'e bi  
şerê DAÎŞ'ê ye

du nîşanan dipêke, ya yekem eva ku Şî'eyê Îraqê stûxwarê xwe bike, ji bo nexşeriya xwe. Ya duyem jî bi vî awayî pêşîya serketina doza Kurd bigre.

**Pirs:** Tevî hebûna vê kêşeya kûr, piraniya hizbên Kurd ên Îranê jî, sekolar in, gelo we jêve ye ku şeweya rast ya karê wan çawa be?

**Bersiv:** Rewşnasî û dijminnasî yek ji pêpkên xebata bo gihîştina bi azadiyê ye. Her rêxirawek xwediyê van taybetmendîyan nebe, nikare serkevîtinê bi dest bixe.

**Pirs:** Hevdem li Kurdistanê Rojhilat herdu pêkhatiyên mesebî Şî'e û Sunî hene, di vê derheqê de çawa hevsengî tê çêkirin, ku meseb nebe faktera yekalîker?

**Bersiv:** Reftar û darêtina bernamêya xebatê dibe ji destêwerdana dîn û ayînzayan bi dûr be, û xebat bo rizgarkirina mirovê çewsawe be, bi bê berçavgirtina van cudahiyan rûkeş. Bi xweşî ve xebata me di vê derheqê de dûr e ji van rengan.



## Rejîma Îranê bajarê Banê milîtarîze kiriye

**B**erpîrsên rejîma Îranê di bajarê Banê de, bi awayekî tund rewşa hatin û çûyîna hemwelatîyan xistine jêr çavdêriya xwe de.

Li gora nûçeya gihîştî malpera Kurdistanmedia, piştî girevê, hemwelatîyên bajarê Banê çûne ser şeqaman, û li dijî berpîrs û navendên ewlehiyê ên rejîmê, dirûşm dan, û cinayetên hêzên leşkerî yên rejîmê şermezar kirin, û berpîrsên rejîmê jî gefan li hemwelatîyên wî bajarî dixwin, û rewşa awarte ragehandiye û herêm militarîze kiriye.

Nûçegihanê malpera Kurdistanmedia di vê derheqê de ragehandiye ku, avahiya fermandariya bajarê Bane, bi berbestan pêşiya wê girtine, û rê bi hatin û çûyîna xelkê, ji rêya şeqama fermandariyê re nahê daîn.

Herwiha deriyê fermandariyê jî hatiye şikênandin, û xwenîşanderan du kîyoskên pasebanîyê jî agir berdanê.

Herwiha tevî vê yekê jî dezgeh û navendên ewlehiyê yên rejîmê, berpîrsên pîrrianiya navendên medyaf, girûp, kanal û torên civakî, ji bo Îdar-eya Îtîla'ata bajarê Banê gazî kirine, û azar û eziyeta wan kirine.

Nûçegihanê malpera Kurdsitanmedia herwiha ragehandiye ku, hêla internêta bajarê Banê û deverên derdora wê hatine qutkirin.

Hêjayî basê ye ku, di doma rewşa



awarte a bajarê Banê de, berpîrsên rejîma Îranê, beşa hewarhatina nexweşxaneyê wî bajarî jî daxsitine, lê belê girev her dom heye.

Herwiha ji tîrsa xelkê Kurdistanê Rojhilat û xwenîşanderên roja derbazbûyî, fermandariya bajarê Merîwanê hemû saziyên sîvîl gazî kirine, û ji wan daxwaz kiriye da ku bi tu awayekî di vê girevê de beşdar nebin, û hindek sozên weke danîna peykera mamosta Qanê'i, û herwiha soza nedanîna tu berbestekê ji wan re bo birêvebirina kongire û sêminaran daye.

## Piraniya Mu'itadan di Tehranê de



**L**i gora serjimêriyan, rojane 1 heya 1.5 ton mewada muxedir di Tehranê de dibe dûkel.

Sekreterê Civata Hevahengiya Xebata Li Dijî Madeyên Hişber a Tehranê amara mu'itadan di Tehranê de belav kir, û hûrdekariyên rojane derheq bikaranîna mewadên hişber belav kiriye.

Elî Esedî, di gotûbêja digel Tesnîmê tevî îşarekirian bi hejmara mu'itadan di Tehranê de ragehand: Li ser bingeha lêkolîma herî nû, di nava 2 milyon û 800 hezar kesên mu'itad de, heşîmeta mu'itadan di Tehranê de, ji sedî 2-3 a hemû nifûsa mu'itad ya Îranê de ye.

Navbirî îşare bi vê kir ku herçend amareke rast derbarê rêjeya mu'itadan di Îranê de li ber dest de nine, lê

bi awayekî navgîn hekî mezaxtina rojane a her mu'itadekê 1 heya 2 gm be, wê demê bi hêsanî derdikeve ku di Tehranê de rojane çiqas mewad tê kêşan.

Sekreterê Civata Hevahengiya Xebata Li Dijî Madeyên Hişber a Tehranê di dawiyê de ragehandiye ku nifûsa mu'itadan di Tehranê de di navbera 560-840 hezar kesî ye, û eva di demekê de ye, rojane 1-1.5 ton madeyên îşber di Tehranê de dibe dûkel.

Hêjayî basê ye ku tenê di dema weşandina amaran de eşkere dibe, ku hejmara mu'itadan di Tehranê û bajarên din de gellek zêdetir e ji Kurdistanê, lê eva rejîma Îranê ye ku bi siyasetên xwe yên nerats û çewt wisa di bîr û raya giştî de nîşan dide, ku eva Kurdistan e ku bûye navenda bikaranîna madeyên hişber.

## %70 a bêkaran ji texa ciwanan in

**D**i Îranê de, niha nêzî %70 a bêkaran ji texa ciwanan in, û heyama bêkariya nîva wan jî, zêdetir ji 2 salan e.

Resûl Sadiqî alîkarê biyavê lêkolîna navenda li ser nifûsa welat serbarê vê ku bas ji asta bêkariyê di nava ciwanên welat de kiriye, di heman demê de jî, ragehandiye ku temenzê zewacê di nava ciwanan de jêhel çûye, û di sala 1390'î de, nêzî %40 ji nifûsa kur, heya temenê 30 saliyê jî nekarîne bizewicin.

Her di vê derheqê de navbirî bas ji vê kiriye ku rewşa hemû parêzgehan di vê derheqê de ne wekhev e. Li gora gotina navbirî bêkarî û nebûna ewlehiya şuxlî astenga herî sereke ye li ser riya zewacê, û ragehand: Ji bo keçan gellek girîng e ku berî zewacê, bîr ji jiyana hevbeş bi kesekî re bikin ku



kar hebe. Di hinek yasa û layiheyên pesendkirî ên meclîsê de hatiye ku dibe derfeta kar destpêkê bo kesên zewackirî hebe, lê ew yasa dibe sedem ku girîngî bi texa ciwan nehê dayîn, û roj bi roj rêjeya bêkariyê zêde be, û bibe kêşeyeke cidî li ser riya zewacê.



Jînenîgariya Nadir Nadirov serokê Rûmetê yê Yekîtiya Kurdên Sovyêtê û Endamê As-samblêya Gelên Qazaxistanê, Endamê Herdemî yê Akademiya Zanyariyê ya Neteweyî ya Qazaxistanê, ku wek “Marşalê Petrol û Gazê” û ”Marşalê Zanyariyê” tê nasîn, derbarê giştîpîrsîyê di Herema Kurdistanê de kir.

Nadirê Kerem Nadirov di 6`ê meha çileyê sala 1932`an de li gundê Qîqaça Nexçîwanê ya komara Azêrbaycanê tê dinyayê. 1936`ê salê bavê wî Keremê Hacı Nadir diçe rehmetê. Gava bavê wî wefat dibe, ew 5 salî ye tevî diya xwe 9 kes, sala 1937`ê ji Kafkasyayê ber bi Qazaxistanê ve tene sirgûnkirin.

Nadirê Kerem ji ber ku Kurdekî sirgunê ye, di warê xwendinê de zehmetiyên giran dibîne. Pêşî nahêlin ji gundekî here gundekî din. Paşê destûra xwendinê didin, lê tenê ji bo bajarên biçûk 1948-ê salê ji kurdên ku hatibûn sirgunkirin ji navçeya Cambûlê ya komara Qazaxistanê, ew kesê yekemîn bû ku mekteb xelas kiribû.

Ji bo destanîna xwendina bilind dixwest here Moskvayê yan jî Almatayê, le rêvebirê Sovetê îzina xwendina wî li bajarê mezin de nedane, le di sala 1956ê de, piştî mirina Stalîn û hatina Xrûşçov astengiyên li ber xwendina wî û bi hezaran kesên wek wî radibe, û Rêya çûna Moskvayê jê re vedibe.

Ew Înstîtûya Pedagogî ya Kizil-orda ya Qazaxistane temam kir. Ew wek mamoste li Qazaxistanê dixebitî. Ji sala 1959 ew serokê kafêdra kîmyayê ya Înstîtûta Xabarovskê bû. Piştê wek serokê teknolojiya daxebitandina bû, paşê wekî prorektorê beşa zanistî ya Înstîtûta Teknolojiya Kîmîkî ya Çîmkentê dixebite.

Ji sala 1975`an rêberê Enstîtûya Kîmîyayê û Saziyên Navnetewî ya Akadêmîya Zanîngeha KSS-Guryevoyê bû, û nenihêrî dijwarîyên jîyanêye mezin Nadir Nadirov gihîşte hêlanê profesîonalî yê bilind. Akadêmîsyen û Profêsor Nadir Nadirov li seranserê cihanê, yek ji navdartirîn zanyarê pêtrôl-kîmyayê ye. Doktorê zanyariyê yekemîn ji kurdên Sovetê û ji sînorê wê der bû akadêmîsyen.

Di destpêka salên 1990î de Nadirê Kerem yek ji demezirînerê Akadêmîya Zanîngehên Komara Başkorstan bû. Ji sala 1991 de ev Akadêmîsyenê rûmet a Akadêmîya

Zanîngeha Komara Belorûsyayê ye. Serokê Rûmetê yê Yekîtiya Kurdên Sovyêtê û Endamê Asamblêya Gelên Qazaxistanê ye. Ji sala 1993an ve Endamê Herdemî yê Akadêmîya Zanyariyê ya Neteweyî ya Qazaxistanê ye. Profêsor û pîsporê kurdê Sovyeta berê Nadir Nadirov wek “Marşalê Petrol û Gazê” û “Merşalê Zanyariyê” tê nasîn. Ev ewledê hêja yê gelê Kurd heta niha bêhtirî 950 gotarên zanistî nivîsandine. Nadirê Keremê Nadir, di warê petrol û gazê, enerjîya bayê, enerjîya rojê û enerjîya avê de xwediyê 250 patentên zanyariyê ye. 35 kitêbên wî hatine weşandin. Du kitêbên wî li ser jîyana wî û jîyana kurdên Qazaxistanê ne.

Nad-irov ji sala

1996`an ve berpirsyartîya

kovar ‘Petrol û Gazê’ dike ku bi rêvebirîya wî dest bi weşanê kiriye. Akadêmîsyen Prof Dr. Nadir Nadirov di sedsala 20`an de di cihanê de zanyarê yekemîn hatibû hîlbijartin. Ji sala 2017an serokê hurmetlî yê Kongrêya Komeleyên Kurdên Sovetê berê ye. Nadirov dostanîyeke germ di gel serokkomarê berê yê Qazaxistanê

Dinmuhammed Kunayev, him jî niha Nûrsultân Nazarbayev re dike. Ewan herdu serok jî qedir û hurmeteke mezin didan ked û zanyariya wî.


Nadirov xwediyê van xelatan e: ‘Pêşengê perwerdehiya Gel a Sovyeta So-



xaxistanê’ (2001) Nadir Nadirov di sala 1981`ê de layiqî ‘Medala Kedê ya Ala Sor’ a Sovyetê; di sala 1999`an de layiqî medala ‘Hurmetli’ a Qazaxistanê û di sala 2006`an de jî layiqî mêdala ‘Dostanîyê hatiye dîtin.

Di sala 2003`yan de li Fransayê, ji hêla Yekîtiya Piştgirîkirina Senaya Navneteweyî ve, ji bo keda wî ya pêşdebirina senayiyê bi ‘Mêdala Zêrîn’ hatiye xelatkirin. Heman dezgeh di sala 2004`an de tevî “Mêdala Napolêon”, nasnavê “Merşalê Zanyariyê” jî daye Nadirov ji bilî van xelatan Nadirov xwediyê bi dehan xelatên dewletî û navdewletî ye. Eger em hemû ked û xebatên wî, xelat û berhemên wî we re bejin, bawer bikin çend saet jî têrê nedikir. Nadirê Kerem Nadirov zewiciye, 3 kur û 10 nebiyên wî hene. Vê demê di gel malbeta xwe li bajarê Almatayê yê komara Qazaxistanê de dijî.

Çavkanî: Radyoya Riataza



syalist’ (1967), ‘Xelata Dewletê ya Qazaxistanê ya Komarên Sovyeta Sosyalist’ (1980), ‘Xelata Kedkarê Emekdar a Qazaxistana Komarên Sovyeta Sosyalist’ (1982), ‘Xelata Kaşîfê Yekîtiya Komarên Sovyeta Sosyalist’ (1985), ‘Petrolkarê Fexrî yê Yekîtiya Komarên Sovyeta Sosyalist’ (1991), ‘Endezyarê Muhteşem yê Sedsala 20`an’ (2000) ‘Endezyarê Fexrî yê Qa-

## Li Îtaliyayê derhînerê kurd, baştirîn xelata dêkyomêntî bi dest xist

**B**erhema derhînerê Kurd, xelata baştirîn dêkyomênta kurd di beşa navdewletî a festîvala Lukaniya a Îtaliyayê bi dest xist.

Li gora raporên belavbûyî, berhema dêkyomêntî a bi navê “Li tenêştî min” ji derhînan û nivîskariya Zaniyar Mihemedî Nikû xelata baştirîn dêkyomênta kurd a beşa navdewletî a festîvala Lukaniya a welatê Îtaliyayê bi dest xist. Ev dêkyomênta 6 deqeyî, ji aliyê vî derhînerê kurd ve hatiye çekirin. Herwiha vê dêkyomênta di demên derbazbûyî de jî, di festîval “CSFF” a Amerîkî de jî, xelat wergirtibû. Zaniyar Mihemedî Nîko di sala 1372`an li bajarê Bokanê hatiye dinê, û karnas û mamostayê werzişê ye.

Navbirî di sala 1392`an, bi çekirina kurte filmeke bi navê “Weke zindiyekê” karê xwe bi awayekî pirofîşînal dest pê kiriye, û piştî vê dêkyomênta “Li tenêştî min” kurte filmeke din a bi navê “Bîreweriyên min ên biherî” (Xatirâtê Giliyê Men) çekiribû.



## Zimanê Kurdî

### Van pirsan bi xwe bibersivîne:

Li welatê te rewşa siyasî çawa ye? .....

.....

.....

Tu ji rewşa li welatê xwe dilxweş î? Çima “erê”, çima “na” binivîse: .....

.....

dilxweşkirin - li ber yekê, li ber yekî xweşkirin  
Dewran û Baran hevalên hev ên zanîngehê ne. Li qehwexaneya zanîngehê rûniştine  
û li ser rewşa hev diaxivin:

Dewran: Kekê Baran tu dawiya vê hefteyê çi dikî?

Baran: Min soz daye hevala xwe. Emê bi hev re derkevin, xwarinekê bixwin.

Dewran: Xweziya min bi dilê te. Ew keçikeke gelekî xweşik e.

Baran: Spas dikim. Bi rastî him xweşik û him jîr e.

Dewran: Belê. Bextê te vekirî ye. Wekî yê min derî tev li xwe negirtine.

Baran: Tu jî hinekî zimanê xwe xweş bike, wê li dora te jî bicivin.

Dewran: Çawa?

Baran: Divê tu zanibî bê dilê wan çawa tê xweşkirin.

Êvara şemiyê:

Baran: Tu bi xêrê hatiyî Dilcan! Tu îroj ji her roj xweşiktir bûyî. Her derê te diterise!

Dilcan: Spas Baran. Ew xweşbêjiya te ye. Tu dizanî ku ez nizanim makyajê bikim.

Baran: Ji te re pêwîstî bi makyajê tine ye. Xweşikbûna te ya xwezayî têrê dike û zêde ye jî.

Dilcan: Te dîsa dest pê kir. Tu dizanî ku ez ji dilxweşkirina zêde hez nakim.

Baran: Na, bi serê min û te, ez ji dil dibêjim.

Dilcan: De dev jê berde. Te ji xwe re kar dît? Te gotibû ezê havînê herim li der ve bixebitim û pê re zimên fêr bibim.

Baran: Min ji çend welatan re nivîsandiye. Ez li hêviya hatina bersiva wan im. Gava bigihêje ber destê min, ezê te agahdar bikim.

Dilcan: Tu mirovekî bi kêrî xwe tê yî. Tu dizanî çi, çawa bikî.

Baran: Ne bi qasî te. Yê te, kar tê ber lingên te, yê min, ez li kar digirim.

Dilcan: Dîsa jî tu bikêrhatî yî.

Baran: Niha jî tu dilê min xweş dikî! Ka ez te bibim ku derê îşev ku em xwarineke xweş bi hev re bixwin?

Dilcan: Em herin wê xwaringeha li ber avê. Li ber avê bêhna min derdikeve.

Baran: Bi rastî di dilê min de jî ew der hebû. Min bêriya masiyan kiriye!

## Tiştonek



**A: Mahir Berwarî**

- Sed Dînar te yên heyn bû kirîna sed pezî (mih, beran, berx). Her beranek bi 5 Dînaraye, her mihek bi Dînarekêye û her berxek bi Derhemekiye. Erê çawa dê kirî ku parê te têra te bikit û çi ji ber zêde û kêma nebinn û ji hemî toxma bikirî ?  
Bersiv: (\* 19 beran/95 Dînar, 1 mih/ 1 Dînar, 8 berx/ 4 Dînar)

- Bi sed Dînara divê sed dewara (hesp, hêstir û ker) bikirî,  
bi mercekî her hespek bi 4 Dînaraye, her hêstirek bi nîv Dînarêye û her kerek bi çareka Dînarêye.  
Metelokanên zaroka--Mahir Berwarî-2009 88  
Bersiv: (\* 15 hesp/60 Dînar, 75 hêstir/37.5 Dînar, 10 ker/ 2.5 Dînar)

- Êkî du sêv dane du kurr û du baba her êkî sêvek gehîstê ?  
Bersiv: (\* kurr, bab û bapîr)  
- Aşvan bi xwe û jina xwe ra, karwanî bi xwe û xweşka xwe ra. Sê hinar danê her êkê/hinrek giheştê.  
Bersiv: (\* Jina aşvanî xûşka karwanî ye.)

Têdîtin: Amadekar destkariya devoka metelokan nekiriye

**Xwendevanên hêja!**  
**Hûn dikarin bersiva tiştonekan bi riya E-Maila**  
**Agiri2003@gmail.com ji**  
**me re bişînin**





# Agirî

◆ Rojnameya “Agirî” di van malperên jêrên de bixwînin:  
◆ [www.Kurdistanmedia.com](http://www.Kurdistanmedia.com)  
◆ [www.Agirimedia.org](http://www.Agirimedia.org)  
◆ [rojnamaagiri@gmail.com](mailto:rojnamaagiri@gmail.com)  
◆ [www.facebook.com/Agirikirmanji](https://www.facebook.com/Agirikirmanji)

Navnîşana derveyî welat:

AFKB.P. 102- 75623 ParisCEDEX 13 –FRANCE

E - Mail: [Agiri2003@gmail.com](mailto:Agiri2003@gmail.com)

Hejmar (309)

## Çend wêne ji meşa nerazîbûna xelkê Banê li dijî hêzên rejîmê

